

Headline	Pembangunan semua lapisan warga Perak tidak dilupakan		
MediaTitle	Berita Harian Ahad		
Date	10 Nov 2019	Color	Full Color
Section	Supplement	Circulation	56,027
Page No	S40	Readership	168,081
Language	Malay	ArticleSize	808 cm ²
Journalist	Shaarani Ismail	AdValue	RM 26,858
Frequency	Daily	PR Value	RM 80,574



Program Rumah Perakku bantu rakyat memiliki kediaman sendiri.



Ahmad Faizal melancarkan Kad Perak Prihatin April lalu.

Pembangunan semua lapisan warga Perak tidak dilupakan

Di bawah naungan baginda banyak inisiatif diwujud untuk rakyat

Oleh Shaarani Ismail dan Zulyamini Sufian Suribah
news@bh.com.my

Ipoh: Di bawah naungan Sultan Perak, Sultan Nazrin Muizzuddin Shah dengan dibantu Menteri Besar, Datuk Seri Ahmad Faizal Azumu, kerajaan negeri sudah melaksanakan pelbagai inisiatif bagi membantu meringankan kos sara hidup rakyat dan memastikan rakyat menikmati kehidupan yang lebih baik.

Antara inisiatif yang dilaksanakan kerajaan negeri dalam memastikan setiap warga khususnya golongan berpendapatan rendah dan miskin tegar dan masyarakat Orang Asli yang tinggal di pedalaman dibantu termasuk dengan melancarkan Kad Perak Prihatin iaitu kad dua dalam satu yang merangkumi kad makanan dan kesihatan.

Kad Perak Prihatin itu antara lain membantu golongan sasar meringankan bebanan dan kos sara hidup dan diberikan kepada kira-kira 17,000 rakyat miskin tegar di negeri ini.

Dengan peruntukan sebanyak RM22 juta bagi menjayakan program itu bermula tahun ini, kerajaan negeri turut merancang untuk menambah jumlah penerima dan membela lebih ramai

golongan yang memerlukan melalui manfaat yang diterima diripadanya.

Penerima manfaat kad akan menerima pembentahan sebanyak RM80 sebulan untuk pembelian makanan asas dan RM300 untuk rawatan di klinik panel bagi tempoh setahun.

Selain itu, dalam usaha memastikan rakyat di Perak dibantu untuk memiliki kediaman sendiri, kerajaan negeri turut menyediakan dan membina kediaman pada harga mampu milik melalui program Rumah Perakku.

Melalui Rumah Perakku, kerajaan negeri melalui Lembaga Perumahan dan Hartanah Perak (LPHP) komited untuk membina pelbagai unit kediaman merangkumi perumahan kos rendah, sederhana dan mampu milik dalam tempoh lima tahun.

Dalam pada itu, masyarakat Orang Asli di negeri ini juga tidak dilupakan dalam arus pembangunan malah kerajaan negeri melalui syarikat berkaitan kerajaan (GLC) mengadakan program Kampung Angkat di beberapa perkampungan Orang Asli yang sudah dikenal pasti bagi membantu masyarakat Orang Asli menjalani kehidupan yang lebih baik.

Melalui program itu, masyarakat Orang Asli dapat berkongsi 'kek' pembangunan yang dinikmati negeri dan negara dan dengan jumlah 256 perkampungan Orang Asli yang berdaftar di seluruh negeri, program kampung angkat itu diharap mampu dimanfaatkan dengan sebaiknya dan mengubah kehidupan mereka.

Sultan Nazrin juga menyuarakan keprihatinan terhadap



Kebijaksanaan pemerintahan baginda menjadikan rakyat negeri ini masih hidup aman dan sejahtera walaupun terdapat api perkauman yang cuba dinyalakan pihak berkepentingan.

Putri Nur Nadia Saiful Rizla,
Kerani



Keprihatinan yang ditonjolkan di bawah pemerintahan baginda dengan dibantu kerajaan negeri melalui pelbagai skim bantuan khususnya bagi golongan pelajar menjadikan baginda sangat dekat di hati rakyat.

Muhammad Afiq Farhan
Azhari,
Pelajar



Kita harus bersyukur dengan keprihatinan yang ditonjolkan melalui bantuan atau skim yang disediakan walaupun sedikit kerana Tuhan telah berjanji akan menambah lagi nikmat kepada hamba-Nya yang bersyukur.

Syed Azli Syed Adnan,
Pesara tentera

isu keselamatan makanan dan meningkatkan kerajaan negeri untuk menekankan aspek berkenaan dalam memastikan isu itu dapat ditangani sebaiknya.

Bagi menangani isu itu, kerajaan negeri melalui Perbadanan Pembangunan Pertanian Negeri Perak (PPPNNP) me-

rancang untuk membuka Perak Agro Valley di Bukit Sapi, Lenggong seluas 4,901 hektar.

Projek ini membabitkan kerajaan bersama pelbagai agensi kerajaan negeri dan pusat antaranya Jabatan Pertanian, Jabatan Perikanan, Jabatan Perkhidmatan Veterinar, Pertubuhan Peladang Kawasan

dan Lembaga Pemasaran Pertanian Persekutuan (FAMA) yang akan melaksanakan pertanian integrasi. Ia membatikan tanaman kontan, sayur-sayuran, dusun buah-buahan, penerannakan kambing, lembu dan rusa dengan sajian pelaburan sebanyak RM1 bilion.